

(KÀPŪNG KÀLAT)

Shansher karu nø Gvray Ang kà i nø, Kristu rvcýngceri kým we tvra angké ie. Shansher karu bok nø dvgá karu nvng ma-bóng. Shansher karu 66 bok nø tāmóng tārvgaq vl we vsvng 40 góí vruò dá:ngi tiqbok í dø dvkøm ya:nga. Vrūshúri nø koqkvm, dūgamzø, cisvra, ngā vkwi vsvng, kùyà gúnshú, vshuq, tvnmū wā vsvng, Yesu coqcýncè, yadvng mvdóí vru ya:nga. Vru pà:ngo yvng keni dvdá:ngo yýng høq 1500 nóngrām tøm ya:ngi. Angmaq nø tāmóng tārvgaq vl vsvng i nø tāmvril vsvng i yýng keni mà-shákē vsvng ie. Inigø angmaqi vru ya:nga we shansher karuri shvngbe nø mvshøl vchøp vzøm we wā ie. Vtiqlvm tiqpvn nø shansher karu nø Gvray Pvlacei shaq zá:ngo nø vru ya:nga, wae. Wervt shansher karu nø nvmlat būng lú:ngi yvng keni deni høq dvgùng gvza shvng we tiqbok ie. Monggàng taq karu angpvn i dvnge keni nvmlat būng pýngshi yà:ngi we nvng nvmlat díp pýng ya:nga we karu bok i nø, vsvng angpvn kà mvmecé pvn kà svng gø tvlíngshaq íá:mi we ie. Shansher karu bok nø angwálmè vniwál vle. Kagvp angli bok nø 39 bok i nø 929 tut vle.

Kagvp angli bok vrūshúrii Hebru kà keni vrū ya:nga. Akvt nøngmaqi lá:ngi we Kagvp angli bok nø Yuda vsvngri Shansher karu bok iāò nø deni høq lá:ngoe. Hebru karuchvng nø yadø ie.

בראשית ברא אלהים את השמים ואת הארץ

Kagvp angshvr nø 27 bok vl nø 260 tut vle. Kagvp angshvr bok nø Helini kai vru ya:nga. Helini karuchvng nø yadø ie.

εν αρχη ην ο λογος και ο λογος ην προς τον θεον και θεος ην ο λογος

Shansher karu bok taq rvgaq yachvng mvshólmvýāng nvng rvgaqchvng kadø vlēvm we tvra gø shvngøtne. Sýngza wàngcè pá:no we nvng svmī mongdan nvng muqlang mongdan mvshøl vle. Shansher karu bok nø svngpvn karu i dvnge mvdvm té vpø we karu tiqbok i we svng dvjà i dvngeí shvkse wāoe. Shansher karu bok taq nø vzvng kaq bønlvn tvràri mv-māng dvgvp keni kadvutkà vrue. Kadvtutkà vrushaq dø tiqdvchá vhōme.

VTVNGSHAQ DVKÛNG WE RØTKÀRÌ SVNG SHANSHER KARUÍ VTÛNKÀ VLE

- Pawá rvgaq yachvng taq nøngmaq à:li ma?
- Rvgaqtøm taq egvl daqshà we nø pawá í ma?
- Shiým mepvng pvlace kayvng tuqvm ma?
- Shiým mepvng vsvng pvlace nø rvgaqchvng svng vrá vtýng rā ma?
- Cang mv-gvm nvng shiým we vsvng pvlace nø vbóng ma?
- Vsvng nvng ninà pvn nø pawá ma-bóng ma?
- Mvra nø pà íe?
- Mvra keni shvlàng we lunlvn pà wá rà ma?
- Gvray nø angjóng vl ma?
- Nøt dvshalvm, zàlvn lòng nvng shilvm lòng pawá vhómshi ma?

Yadvngpvn svng shálvn rvt zúndvtut rølvn wai.

ANGTUTRI

1	TUT Nvmlat nvmpvng	1
2	TUT Abraham.....	21
3	TUT Moshi.....	36
4	TUT Búngám.....	65
5	TUT Kadvtutshuri.....	95
6	TUT Kristu dāng kàdvtutkàri.....	141
7	TUT Kagvp angshír, Kristu gyl daqà long, dvløtívm vthó:mo long.....	157
8	TUT Bvnli wā we nvmlat nīlā.....	177
9	TUT Vtiqlvm gømlāri nvng kàshvbongri.....	208
10	TUT Shvlēbóy nvng Kristu dvshà mvhøt long	241
11	TUT Zun lú:ngi long nvng shvngømre nvmlat nīlā	271
12	TUT Móng døngtáng svng.....	299

SHVLĀ LÒNG NVNG MV-GŪM LÒNG

Copyright © 2006 by Michael and Debi Pearl

PUBLISHED BY:

**NOGREATER JOY MINISTRIES, INC.
1000 PEARL ROAD
PLEASANTVILLE, NT 37033
WWW.NOGREATERJOY.ORG**




Mvshøl mvyāng yalòng
 nvmlat nvmpvng kenini karu
 tiqbok taq vru ya:nga. Yari
 shvngbe angjòng ding we

Tiqmaq taq nø
 dvtiqshilvm dø ie. Inigø
 tiqkvtkvt angjòng bòn lòngsvng,
 dvdvmsihi we mvdvm téwā
 dvtiqshilvm hòq i we vle.



Nvmlat nvmpvng shini
 ma-vlke, svngzace shini mv-
 pá:no ke, gálong shini ma-vlke,
 vl dvngte shvmòng mà-rànshi
 dvgvv keni Gvray nø vle.

Inigø Ang tiqgò wā
 mø-i, shongnøt
 dvnzøng we Vshòm Gó
 Tiq Gvray vl yà:ngi.



Gvray nø Ang taq vl pvn
 vsvng kaq mvgú mvyøe.
 Vrvm rvmvng wā shvrúng.



Nvmlat nvmpvng shini ma-vl dvgvv Gvray kó guruhm taq,
 Gvray Ang ngør dvngung shvringlv muqlang dvzvr pvn
 ya:nga. Inigø Luciferi muqlang dvzvr vshòmwal tiqwal
 shò:lo nø Gvray kaq vtòoe. Weri shvngbe satan vpø ya:ngi.

Inigø karu yabok nø
 wedang mvshøl mø-i.

Yalong nø Gvray nø vsvng
 ó tiqrá bvnli wā we dāng ie.



Nvmlat nvmpvng taq Gvrayi muqlang
nvng rvgaq pá: noe. Gvrayi Pvlace nò
tiri mvdmrām taq vlángshie

Wekvt Gvrayi đòlòng
svng vming zio nò

Gálong laqgá lōng, a:loe. Wekvt
lànglàng gá:mi.

Gálong laqgá lōng, a:loe.
Wekvt lànglàng gá:mi.




Yari nò denila bàn vsvngrii đvdā:mo đò àng wāwā
tiqđvtvng mepvng tiqđvtvng nām wā bòn lú:ngi we
mò-i. Gvrayi chuq nì vđongtaq i đvngte nvng
cúnshi đvngte shvngbe tvngđvng vmvnshaq ie.



Chuqni wani taq Gvrayi vbā
keni angshvr tiqpvv shvzōōe.




Vsvng nō vbā keni í nō ang
gønshaq nō Gvray keni íe.




Vbā keni vsvng pá:no dá:ngí Gvrayi Ang
shvná dāngdāng shaq zvng bōa kvv, cúnshi
pvn vsvng angshvr tiqgō bōn lú:ngí. Ang
svng Adam wa nō bōng tōōe.

Angshvr pvn bōa we í dvngte svng Gvrayi
dvjaqō dvgvv VTVNGSHAQ SHVLAE, wae.



Gvray nø Adam nvgv tiqðø niðrvðm vtoq vtip nø vle. Dvmðvñ vngvtri Adam yñgð dvkðø:mo nø Adamí bõng tó dvza:roe. Dvmðvñ ri svng yà:ngo dvgvv Adam nø lamboq vdá rà we svng yà:ngoe.



Gvray ka shõne.

Adam kaq dvbvngshu lamboq tiqgø pññálv m le, wae.

Adam yøp dvgvv ang svrà m tiqkã lùð dá:ngi ang lamboq svmare lángbàcè tiqmè pá:noe. Adamí gø gvza shù:ngoe. Ang svng dvbvngshu lamboq pñnao we ie.



Adam yñgð shõlã bõa nø mõng ðõngtãng taq vzing vshítlv m shvmãnkã gø zioe. Angnið dvpvv gvza vnvv we lvpãt angshvðr ðø iaøe.

Angnið gõngsír inigø rvlce ðø welong svng angnið mv-shão.

Ang nø ngã shãrø ngã shing ie, wãe.

Welong svng satanið ðø:moe.




Angnið nø shøtshu Eden kulwang taq ðvnglũnce dvbù shvwéshí nø vle. Kapvñ dangtaq gø gõnggilv m ma-vl.

Gvrayi shõngshítõngri ðãng ka shõne:

Kulwang keni shõngshí l ðvngte v m ðaqe. Inigø shvla ma-shvla we vval shálv m shõngshítõng keni cøq mv-daq. Ecøqshø ni taq shí rà lõnge.

Gvrayi Adam svng monggãng shvngbe øpmvmlv m vming kvkng zio nø shøtshu Eden kulwang taq shøtshuce vl lú:noe. Kulwang taq shõngshí vniðvñ yøe. Gõnshaq shõngtõng nvgv vval shalv m shõngshítõng ie. Weri v m nø zãlv m, shilv m, svrõnglv m ma-vl. Inigø shvla ma-shvla we vval shálv m shõngshítõng ecøq bõshø ni taq nø angjøng shí rà lõnge, wa nø dvkã:moe.





Angní nē vtáná:mi nõ góngsir i we dómshi bòi rvt shvraqshi lú:ngi.

Háháhá...
nai nga svng pá ewǵng bõnga? Na svng mvhõm ewā daqe.

Nganíí pá wà bõsha ma?

Nganí nõ Gvray kà mv-tá bõsha. Akvt Ang di daqe, Lõ, gõng dvkõqshilm wāshishi.



Adam ná kayvng evle?

Tángoe, góngsir õngà rvt shvrakshõnge.

Naní góngsir eishle, kagõ wae? Me-vmni, wǵng lõng evm bõa ma?



Nai ezõnga we svmaremei shèvm bõnga.

Gvrayi Ewa svng rø:tno
we nvng vtvnshi we:

Hihi...

Bø gōi eyūmtna,
Gvray idvng ewā lōnge, wa
nigø mv-ōng lōng. Nga nøt
gvza dvshànge.

Wekvt Gvrayi bø gō
svng mvtá:no nø:

Nai yadø eyūm
bøa rvt deni kenl
puqwáf èshvlsli
nø vbā èvm.

Na dvvø nvng
ang dvvø ngvnsa l
dvzvro nø, nai ang hí
zá dezá:ro nø a:ngi na
vgø eyipmvtne.

Dvgani dvnka nø svmare keni
gvl daqo we Chvngkangpei satan
kaq jörvm we angni tuq ræe.


Lucifer ó ang mepvng cvn dvngte
svng shvt lú:ngoe. Akvt nø vsvng kaq
vløtlvm ví dvza:roe. Akvt nøngmaq nø
ngvnsape satan mepvng cà:ni ma?
Gvray mepvng cà:ni ma? Dakshi ræe.



Gvrayi svngzàce kaq
mvtá:no we kà:

Adamé, Nga kà mà-táshaq
nvchømmè kà svng ecvñ bóI rvtø, rvgaq
nø nà dvpvt mvtvñshaq la:mi. Rvgaq nø
bvngghé nvng shñn dvzi vpō lōnge.

Na vbā svng me-nàtvng
dvngte taq, vñ aq lúshilvm dvpvt
tvnu bvnll wāvm nø ngúngti yat
wā dvzaqshi ráa:mi.



Akvt Gvray dlvkmkà vl dø,
Adam Ewaní shilvm rvtø ie. Inigø
angní shilvm tvle vyvngce sha:tno
nø, shāpūr nø angní dvgwāde.



Ngani
svng me-shvtshi,
wedøni cúnshi
dezvrshie, wae.

Ngani tvle
nina shvt bøa.

Weni taq angní shilvm
tvle cip ma-vl we nina shie.
Angni tiqní nø shilvm wā ie.
Mvra dvpø nø shilong ie, wae.



Adam Ewaní mvra vlá:mi rvt,
gønsnaq shóngshitøng kení ma-vmvlvm
rvt Eden kulwang kení lú:ngoe.


Gønsnaq shøngshi vl yvng svng
mv-dilvm dvpvt muqlang dvzvr
Kerubimí roq dvzá:roe. Vsvng kà
mv-tā rvt Eden kulwang nø Gvrayi
rvdā ya:nga. Dvgani vtvng daqoe.

Adam Ewaí angcò angcè mvme shvza:tnoe. Angmaq tátvlé dõngku shvzõngshi nõ vsvng vshít vzing lú:ngi.



Eden kulwang taq Adam Ewaní vyngce sha:tno wei lutshi rai we, vsvng nõ mvra vl rvt nina shvrúng rà we tvra angpe kení Abeli vtáshaq ie. Wervt Abeli vyngce tiqgõ shvrú:ngo nõ noqoe.

Angni angce vlat pe Kain nõ rvmá wávm nõ mepvng pe Abel nõ vyng rimshie.



Kain nvng Abelnii nõ Eden kulwang taq vholm bõa we tvrari shvngbe sháoe. Gvray ká mv-tá ninõ kadvngte dvsha mvhõt vholmvm vl we tvra sháoe.

Kainí gõ shvlá vtvng we shvrú:ngoe. Inigõ shvvi mv-zvñ. A:ngi wào we nõ Gvray kaq ma-péo we svng mv-sháo.



Ó, Vkangpe, nga nõ mvra vl we vsvng õngae. Nga shílvn tvle vyngce yago shvtnò nõ shvrúngoe.




Ngai shvlá vtvng we dvngõng bõnga, nga shvrúng gõnpaq svng natõnganga, Gvrayá.

Yapení tiqpépè kení Gvray dvnka vl dõ chvngshu bñng lõng ma?



Mōh Kain

Shwii mv-zvn we Kain núngpà svng Gvrayi ma-tōo.



Abelò núngpà svng Gvrayi vtōoe. Cip ma-vl we yvngce shwii ang mvra wvmaoe.

Gvrayi Kain svng, nai vdu dō ewào nino nàò gō vtōngoe. Nvnvmpē Abel gō nà svng cùn rā nō nai øplvm le, ewāe, a:loe.



Nai pà dedā:moe? Nga shvrung dvreri nō nà vyvng shwii mvdvm té vpōe. Pàrvt naò té vpóám ma?

Vnvmpē, deni dōrēm shwii shvrungalvm rvtō hōqa:tna.



Yari shvngbe ngaò wā ie.

Vgá...

Angnínvm rvma díá:mi ke, vsvng tiqgō gō ma-vl dvgvp, Kain shvnmá vcōr nō Abel svng cūngshí shvt bōa.

Kain ma-shvla dō wā
we svng Gvrayi mvrđvng
māshi mv-lú:no.




Kain,
nvn̄mpe Abel
kayvng vie?

Ngai kadōwā
lvshángōnong,
ang svng roqshu
óngā ma?

Akvt nvn̄mpe
shvwi nō vbātōm
taq vie. Nal naléō
we shvkse ie.

Kainí Abel svng shvt bōa we Gvrayi sháoe, yà:ngoe,
māshi mv-lunshi. Gvrayi Kain svng mvtá:no dá:ngi
zōmwang svng lù:ngoe. Ang mvrái dvshá dvzvrshie.



Sataní ang svng
svngshvtshú í dvzvr bōa. Kain
nō đv̄nka vl we Chvngkangpe
dvbūngshu mv-bōnā:mí.

Dv̄nka vzishaq i we Chvngkangpe kayvng ie?
Adam Ewaníí vrá cv̄mre shvza:tno nō Set, wa bōng
tōoe. Wemepvng gō cv̄mre mv̄me shvza:tnoe.

Shvwi tv̄p nō mvdvp vsvng n̄vng đōngku
shvzōngshi lōng nō vsvng kaq shvyōmkéō
rv̄t nār̄lv̄m Gvrayi đvká:moe.



Kainí Abel shvt
bōa nigō Abel tv̄le Gvrayi
nga svng lvngarece tiqpe
ezōng daknga.

Setí angce shvza:tno nø vsvng vzing vshit lú:ngi. Inigø mvtvnsaq mvra keni shvlutshú tiqgø gø mv-büng löng. Vsvng luq lú:ngi nø wama shvzø:ngo nø rvmári luq lú:ngi.

Vsvng vzing lú:ngi dø mvra gø shvluc mün lú:nga. Dvchap we nvng nøt dvdvm we i dvngte taq mvra wā dvnzønge. Døngman vsvng tiqgø gø ma-vl.

Gvray nø vsvng pvn bæa longsvng tønshi lú:ngi. Vl dvngte shmvngivm dvn lú:nga dvngp satan dädvbünl.

Lucifer svng gvyaq ya:nga löng svng nashat. Gvray dvmvn i dvngte gø caqvmvng gvyaq bæa. Adam dvpvt angshvr tiqkvt mvnäo nigø vléoe.

Tätvlē shuq vvakēē.


Gvray kaq shóngshi nø kà tã we tiqrprvp vl ma?

BC 2500 nongrām taq -

Inigø døngman vsvng Nowa tiqpe vle. Gvrayi i dvnge gvyaqvlm wao we taqkeni gø angrmaq rvp svng shvlutvlm móðe.



Nowaé, Ngai tinvm zør dvrírlvm le, cúnshl pvn l dvnge dvkoq dvtñm, nà ó nà chøm vsvngri nvng cúnshl pvn rl dvyð vdñglvm dvpvt Shø Chømdøng shvzø ràe.



Cúnshl pvn l dvnge anggú 7 gø angrmà 7 gø nvng mv-shèr we nlna 1 zóm, anggú 1 gø angrmà 1 gø dvgóng ràe. Shø Chømdøng kadø shvzølvvm nvng tinvm zør lōng dvgvp dvpvt kadø wá rà we gø shvngøtvlm le.

Gvray dvnka vl dø tiqdvcha Nowa nø satan bvnli gvyaqvlm pe i ma? Gvray ka tā lōng má, mv-tā lōng ma?



Nowa nø vsvng i dvnge tinvm taq dvkoq dvtñm we svng dvdvm rón daqø vrvm nøt dvsha nø, vsvngri mvra mv-wàlvvm lln mā:nøe. Shø Chømdøng shvzølvvm dang nvng ninari shvvlvm dang dvtá daqa.

Vsvng i dvnge tinvm zòr lònq taq
dvkoq dvtvm we kaq dvda:mo nò
nòt dvshae. Wervt rvtò vl dvnge
taq mvra mv-wàlvn lín mǎ:noe.

Ngai dvtá:tini: Gvrayi
titinvm dvzòrlvm dá:noe, nga
kà etánòng nò shòchòm vdòng
svng egòng ránòng.

Shongnòt vl we
Gvrayi nò angceri
svng kadøwǎ
lǎshvmvng rani?

Na nò nòt
me-riq, svngdál.


Mvra rvt ie. Mvra wá
enǎrnòng, shongnòt nvnq
dòngman nò:tni vzòm rae.

120 nòng wào ke shòchòmòng shvzo
dvnq bòa nò, cúnshi we i dvnge
Gvrayi Nowa yvng svng shòla:tna.

Eyà:ngo!
Vngvtshi pvn i
dvnge vyvn rai!
Tiqqóí shòla:tno
dò zùng rai.

Vtiqrà ie! Yadø
i pvn dvmvñ tiqkvø gø
mv-yúngshi dvr we! Tinvm
zòr lònge, wǎ longsvng
na ekvm ma?

Bvttut bòn
mv-daq. Rvgaq
chvngkøp tí límké
shvlǎni ma?



Virà dóng gvza mv-chóng.

Yari nõ lvngdòm mvdò ie.

Nowaé, rvtø vñom rail! Na chøm vsvngri nvng ninarì shvngbe egõngvñnõng.



Rvtø vñom rail kvv Gvrayi Shø Chømðõng bvngka cõt daqa. Wemepvng 7 ni vlé høq kadø gø mø-i lõng.

Háhá... svngdál kûri svng dejqnõng! Tiwang keni wedvngte vsar yvngø ninarì rõngao wei dvshá lüãoe!

Kûri kà:ngi tvñ ké dvzvrshi lé!

Wezàngø tiqnar dvngte vle.



Inigø 7 ni gõmá:mi mepvng shø vchoq daqa nõ tidøm pvlûri vlap lú:ngi wei tinvm zør lú:ngi.

Yadø i we kadvgvp gø mv-yvng dvró! Shøchømrvvm svngdálri svng shøn daqa we i ma!

Me-nàjõshini. Gvray nõ shõngnøt Gvray ie. Ang wã dõngman nõ monggang shvngbe mã-dõngman waka nõ bõn mv-daq.

Yadvngte kadvgvp gø shø vchoqø we ma-vl dvr, vzvngkaq nõ lvngchã gvza shvla we ie. Weni høq shø shini mv-zaq daq rvv mv-kvm we ie.



Á! Nowa kà svng tá rà wei! Nga gvza dál ránga!

Gvrayé, ngacèpe svng shelutnãngàé.

BC 2348 nõngrām taq -


Nowa shõnkà angjõng
ding we vsvngrii shá bõa.

40 ni dõp vyáng yaqdõng shõ
vchoqõ wei tinãm zõr lú:ngi
nõ vhang mvzõ shvngbe límke
bõa. Shõchõm dongtaq
gõngá:mi we Nowa rvp nvng
cúnshi pvn i dvnge kení dvgá
dvnge shvngbe vmvngá:mi.


Ti bvtnãm
mepvng nõ vdãm
kaq léshíá:mi. Wekvt
dvbu lú:ngie.

Nowái kãõcè tiqgõ shvlàng bõa ninõ zanlun cvp tiqgõm
baqõ nõ vtvng rai. Wekvt shõngcvp mõrám we shá
bõa. Mepvng vrá tiqkvt shvlàng bõa ninõ kãõcè gõ
ma-tvng rá. Ti bvt nõ taprà yvngshi bõi we sháõe.

Kadvngte ma-lé dvgvp Shò Chòmđòng nò Ararat shigùng mvsóng taq vhapmám. Cip ma-vl we rvgaq angshvr taq gòngá:mi.



Wekvt Nowaí shansher we nina tiqpvñ keni tiqgò lùò dá:ngi Gvray kaq shvrúngāoe. Nowa nò dōngman vsvng i nigò mvra vl vsvng i rvt, angmaq rvpkòp dvpvt vpvngce shvwi shvyóò nò Gvray kaq noqoe.




Gvray kaq shvrú:ngo we nò lutshí raí we Nowa rvp 8 gò dvpvt i nò, Eden kulwang taq Adam Ewaní mvra w̄malvm nina shvt ya:nga weó vbóngē.

Rvmòt taq dvtan we Mvshòngmènin yalong nò akvt keni tinvm ma-dvzèrò, wa we shálvñ ie.



Rvgaqtòm taq cúnshí pvn nina i dvgte namaql shvtké daqe. Inigò shvwi nò aq mv-daq. Shvwi nò gōnshaq ie.


Vsvng shvt mv-daq, vsvng shvt vsvng nò shvt we vhornvm i lōngē.



Tinvm zòrá:mi mepvng Nowa rvp nò tvnū wāvm vsvng i nò bim kvtshe. Rvgaq angshvr taq angmaq vbi rvpcè wā mǎngmǎng wā ie. Inigò angmaq shvngbe keni cvmrrerí luq m̄vnshie.



Nowa nò bimshí dvbòp nòí vrúkeó weí angkvt angkvt bvnli wá mv-lú:ño, mv-dómshí hòq vrúkeo we gò vle. Welong svng Gvray ma-dvbù.




Nowa yop yvng kení vshat rai ke, welòng dóm bòa kv̄t Ham angepepe Kanan svng gōò nò mvtá: noe.

Nvcè pe Kanan ang pv̄li pv̄laqrí nò nv̄vmppe Shem dv̄zòmshú wáshí d̄vre.


Tiq nī rvtò taq Nowa nò bimi nòí vr̄keo nò mv-dómshi rvt gòngsír húlshi we svng Hamí yvng bòa. Inigò laqtu: ní ma-w̄māshaq angnv̄m pení yvng lè dv̄shā:ngoe.

Rvtò angni mv̄me ján rai ke, yalong angjóngjóng v̄høm rai.



Nowa ra:pmí nò Gvray jeju nvng shv̄mána we lú: noe.

Vsvng 8 gó wā lutshi nò dv̄gá dv̄ngte shvngbe vm̄vngá:mi.



Yafet nò tv̄nügō nv̄mlòp lap svng vlá:mi. (vgwé lap)

Shem nò tv̄nügō nv̄msvr lap svng vlá:mi. (vbàng lap)

Ham nò Africa nvng Asia tip̄vng lap svng vlá:mi. Ang pv̄li pv̄laq nò Kanan svng ie.

Wervt monggàng gó:mo hòq svng v̄zing vshít lú:ngi we ie.

(BC 2247 rām taq)

Nowa angce Ham, Ham angce Kush,
Kush angce nø Nimrot ie. Nimrot nø
gvza shvng we shāyit tiqpe i ya:ngi. Ang
nø Gvray tvra mv-cvñ nø Babelon taq
cangpvra noqshí pving ya:nga pe ie.

Babelon mongø vsvng vzing lú:ngi
weí vkāng mv-tá nø Muqtū vrā:ngoe.

Angmaq nø mñn pe
Gvray kaq mv-noqshi,
lóngpvrahāng wāshilvm
cá:ngi tvra shvmā:noe.

Rvgaq gò:mo dø vllvm
dvkvmkà svng mv-tā rvt,
Gvray hørnøt keni angmaq
shònkà shok dvzvā:oe.

โธ้ย...
คุณไม่เข้าใจกันเลย

рзүш
өрз блх
ө зцрий
сзц

Kà mà-zāké bøi rvt muqtū
vrving bvnli mv-bøná:mi.

Angmaq kà mà-zāké bøi rvt
weyvng keni vkāngá:mi nø
tishvlūng mong rvgaq, vkatshi
rvgaq, gwit rvgaq tiqmong nø
tiqmong svng vlá:mi.

Rvgaqtøm taq vsvng vzing vshit
lú:ngi nø mvra gø shlvuq lú:nga.
Mvn angkang Gvray kaq vnáð
nø cángpvra angpvnpvn svng lè
noqshirà wāshi lú:ngi.